



Хар кунги эрталабки сафланишда захирадаги катта лейтенант Хайрулла Тожиев томонидан янграган бу “Сафлан, ростлан!” деган қақирик коллеж ўқувчи-ёшларини бошланаётган янги ўқув кунига ҳушёр тортиришга ундаши аллақачон одат тусига кирган. Ўз касбига садоқат билан ёндашиб илм толибларига “Чакирувга қадар бошлангич тайёргарлик”дан сабоқ бериб келаётган устоз, тумандаги Гулобод ижтимоий-иқтисодий коллежидagi фаолиятини бошлаганига қарийб ўн йилдан ошибдики, ёшларга истиқлолнинг дастлабки кунларида мамлакатимизнинг Биринчи Президенти Ислам Каримов томонидан асос солинган миллий армиямиз салоҳияти, ўтган давр мобайнида профессионал асосдаги армиямизни шакллантириш борасида амалга оширилган кенг қўламадаги ислохотлар ҳамда уларнинг самараларни хусусида қимматли маълумотларни бериб келмоқда.

54 ёшни қаршилаган устозни билим юрти талаба ва устозлари 14-январь – Ватан ҳимоячилари куни байрами билан қутлашади.

Сурат ва матн муаллифи Э. ЮСУПОВ

Дурдона сатрлар

Камбар ОТА

КЕКСАЛАРГА БАФИШЛОВ

Қарилик бир сеvimли китоб,
Маънолар тер ундан тез, шитоб.

Кексаларнинг синдириб кўнглин,
Бевақт синиб кетмагин, иним!

Боболарнинг ўғитларини
Айт-чи, нега писанд этмассан?
Ўйла, Худо берган умрига
Ё етарсан ёки етмассан.

Кексаларнинг инжиқлигини
Эркалик деб қабул қилганга
Тасанолар, шарафлар бўлсин,
Инсон умрин қадрин билганга.

Кесалик зўр афсун экан,
Яхши қариш хусн экан.

Нуронийликка не етсин,
Сиздай қариш насиб етсин.

Оллоҳ сизни хуш кўрибди,
Севиб, узоқ умр берибди.

Юз йилни кўрган юзингиз,
Юз йил чакнаган кўзингиз,
Юз йиллик гавҳар сўзингиз,
Мўътабар, азиз ўзингиз.

Юрсангизда, қариялар
Ҳассаларга суяниб,
Ҳаёт яшнар тажрибаю
Ақлигизга таяниб.

ЭЪЛОН ЭЪЛОН ЭЪЛОН

САЙЁР ҚАБУЛ

2017 йил 21 январь куни соат 09.00. дан жиноят ишлари бўйича Самарқанд туман суди биносида жиноят ишлар бўйича Самарқанд вилоят судлари судьялари малака ҳайъати аъзоси Гайбуллаев Жаҳонгир Исроилловичнинг судьяликка номзодлар заҳирасини шакллантириш юзасидан фуқароларни шахсий қабулини ўтказди.

Мурожаат учун телефон: 616-25-47
Жиноят ишлари бўйича Самарқанд туман суди маъмурияти

ОБУНАЧИЛАР ДИКҚАТИГА

“Гулобод тонги” газетаси ҳафтада 1 марта (жума) куни чоп этилади. Агар наshrни вақтида олмаётган бўлсангиз тахририятимизнинг 612-51-04 телефон рақамига мурожаат этинг.

Туман 1-сон Давлат нотариал идорасида марҳум Авазов Баҳодир Сувонкулович (2015 йил 13 июль куни вафот этган)га қарашли мол-мулк учун мерос иши очилмоқда. Шу муносабат билан меросхўрларнинг туман 1-сон Давлат нотариал идорасига мурожаат этишларини сўраймиз.

Манзил: Хожа Аҳрор маҳалласи

Туман 2-сон Давлат нотариал идорасида марҳума Хожамбердиева Ҳаит (2015 йил 27 феврал куни вафот этган)га қарашли мол-мулк учун мерос иши очилмоқда. Шу муносабат билан меросхўрларнинг туман 2-сон Давлат нотариал идорасига мурожаат этишларини сўраймиз.

Манзил: Равонак маҳалласи

Туман 3-сон Давлат нотариал идорасида марҳума Бокиева Риския (2004 йил 23 декабрь куни вафот этган)га қарашли мол-мулк учун мерос иши очилмоқда. Шу муносабат билан меросхўрларнинг туман 1-сон Давлат нотариал идорасига мурожаат этишларини сўраймиз.

Манзил: Хожа Аҳрор маҳалласи

Бизга ёздилар

УСТА САРТАРОШ

Чоршанба маҳалласидаги сартарошхонадан одамлар аримайди. Уста сартарош Ихтиёржон Халилов миқозларни очиқ чехра билан кутиб олар экан, уларни курсига таклиф этади. Шундан кейин нима иш қилиши кераклигини сўрайди. Кимдир сочини калта қилишни, бошқа кимдир соқол олишини айтади. Тезда ишга киришган сартарош уларнинг соч-соқолини кўнгилдагидек қилиб олар экан, кейин атир билан сийлайди. Ҳамма унга миннатдорчилик билдириб кетади.

–Устозим Рауф ота Умаровдан оқ фотиҳа олиб иш бошлаганимга ҳам беш йилдан ошди, – дейди И.Халилов. –Шундан буён халқ хизматидаман. Вақт топиб кекса отахонлар, уруш ва меҳнат фронти қатнашчилари хонадонларида ҳам бўлиб, уларнинг соч-соқолларини оламан.

Дарҳақиқат, халқига муносиб хизмат қилаётган сартарошни барча ҳурмат қилади. Бундан хурсанд бўлган Ихтиёржон янада баракали меҳнат қилишга интилади. Бўш пайтларида эса маҳалла тadbирларида ҳам қатнашади, қўлдан келганча якка ёлғиз, тўшақда ётиб қолган инсонларга мурувват кўрсатади.

Н.МУҲАММАД

ОИЛАВИЙ ТАДБИРКОРЛАР

Янгиариқ маҳалла фуқаролар йиғини ҳудудидида оилавий тadbиркорлар, ўзига тўқ хонадонлар жуда кўп. Улар ҳар қарич ердан унумли фойдаланиб мўл ва сифатли тўқсонбости кўкатлар, озиқ-овқат маҳсулотлари етиштирмоқдалар. Қувонарлиси шундаки, ўзидан ортганини бозорга чиқариб сотмоқдалар, оилавий бюджетларининг мустаҳкамлашишга эришмоқдалар. Бундан ташқари чорвачилик, паррандачилик, балчиқчилик билан шуғулланаётганлар ҳам бор.

Тошпўлат Истамкулов, Миршакар Камолов, Хай-

рулла Мавлоновлар ана шундай оила бошлиқларидан бўлиб, улар фарзандлари билан қорамол, парранда боқиб, аҳоли дас-турхонига мўл сут, тухум ва гўшт маҳсулотлари етказиб бераётирлар.

– Деҳқончилик менга ота мерос, – деди М.Камол. –Фарзандларим билан баракали меҳнат қилиб, мўл қишлоқ ҳўжалиги маҳсулотлари етиштирмоқдаман. Буларнинг боиси ўлароқ мўмай даромад ҳам қилаётирман. Ана шу даромадлар эвазига тўй-маъракалар қилиб элга ош бермоқдамиз.

М.ХАЛИЛОВА

КАСБГА ИХЛОС

Равонак маҳалласидаги туман юқумли касалликлар шифохонасида ўз касбига ихлоси банд хамширлар кўпчиликни ташкил этади. Касалхона катта хамшираси Сожида Нўймонова ана шундайлардан бўлиб, у кўп йиллардан буён аҳоли саломатлигини таъминлаш йўлида баҳоли қудрат меҳнат қилиб келмоқда.

– Шифохонасида беморларнинг яхши давола-

нишлари, тезда тузалиб кетишлари учун барча кулайликлар яратилган, – дейди С.Нўймонова. –Ҳар бир врач, хамшира уларнинг тезда соғайишлари учун бор тажрибаларини ишга солмоқдалар.

Дарҳақиқат касалхонада Сожида Нўймоновадек касб усталари бор экан беморларнинг тузалиб оилалари кучоғига қайтишлари аниқ.

Х.БЕРДИКУЛОВА

ПУХТА БИЛИМ

Туманимизда ўз меҳнати, ёш авлод таълим-тарбиясига қўшаётган хиссаси билан эл назарига тушган ўқитувчилар кўпчилигини ташкил этади. 3 нафар фарзанднинг онаси Меҳринисо Мукумова ана шундай устоз-мураббийлардан. У кўп йиллардан буён Навобод маҳалласидаги 50-умумтаълим мактаби ўқувчиларига тарих фанидан дарс бериб келади. Ўқитувчи ташаббуси билан ташкил этилган фан кабинети керакли микдорда ўқув қўланмалари, кўргазмалли воситалар билан жиҳозланган. Бундан ташқари “Ёш тарихчилар” тўғраги фаолият кўрсатаётган бўлиб, унга 30 нафарга яқин иқтидорли ўқувчилар жалб этилган.

Н.МУЯССАРОВА

ЎТГАНЛАРНИНГ ОХИРАТИ ОБОД БЎЛСИН!

Туман ҳокимлиги, “Нуроний” жамғармаси туман бўлини-маси жамоалари қишлоқ ҳўжалиги фидойиси, меҳнат фaҳрийси
СОҲИБНАЗАР ҲОЖИ НАЗАРОВ нинг вафоти муносабати билан марҳумнинг оила аъзолари ва яқинларига чуқур ҳамдардлик билдиради.
Туман қишлоқ ва сув ҳўжалиги бўлими жамоаси sobиқ “Меҳробод” жамоа ҳўжалиги раиси, меҳнат фaҳрийси, ташкилотчи раҳбар
СОҲИБНАЗАР ҲОЖИ НАЗАРОВ нинг вафоти муносабати билан марҳумнинг оила аъзолари ва қариндошларига samимий таъзия изҳор этади.
Давлат муассасалари ва жамоат хизмати ходимлари ка-саба уюшмаси туман Кенгаши жамоаси Кенгаш раиси МУСАВВАРА ЖУМАЕВ нинг вафоти муносабати билан марҳуманинг оила аъзоларига чу-қур таъзия изҳор этади.

ТИЛГА ЭЪТИБОР – ЭЛГА ЭЪТИБОР

(Давоми. Боши 1-бетда)

Менимча, ёшлар китобни электрон вариантда ўқишни афзал кўришади. Лекин электрон китоблар босма китоблар ўрнини босолмайди. Буни оддий китобхондан академик даражасидаги олимлар ҳам қайта-қайта таъкидламоқдалар. Бас, шундай экан, мактабларда қирил алифбесини ҳам, инглиз тили билан бир қаторда рус тилини ҳам яхши ўргатиш керак. Шу билан бирга форс ва араб тилларини ҳам ўргатиш мақсадга мувофиқ. Бу болаларнинг тил бойлигини орттириш билан бирга, уларнинг араб ва форс тилларидаги ҳамда ўтмиш ёзувчи ва олимларимизнинг асарларини ҳам ўқиб ўрганишлари, янги илмий кашфиётлар қилишларига ёрдам беришига аминман.

Олимлар ва ёзувчиларимиз, топонимика комиссияларида ўзларини масъул деб биладиганлар ўз мақола ва маърузаларида тил софлиги тўғрисида кўп фикр билдирадilar, лекин кўз олдиларида уй бераётган хатоларга эътибор бермаёттилар.

Биргина мисол: бугун Ўзбекистон Республикасининг айрим жойларида ўзбек тили билан бирга шу ерда яшовчи миллатнинг ўз она тилидан фойдаланиши амалда қўлланилиб келинмоқда. Чунки бошқа миллатга мансуб аҳоли зич яшаётган жойларда уларнинг ўз она тилида гапириши, ёзиши, ўқиши давлатимизнинг Бош Қомусида қайд этилган. Шунинг учун Ўзбекистонда 7 тилда таълим олиб боришмоқда. Лекин бошқа миллат одамлари кўп яшайдиган жойларда ўз она тилидан фойдаланишда айрим калтабин раҳбарлар томонидан хатоликларга йўл қўйилмоқда. Масалан, бунди дўхонлар пештоқидаги ёзувлардан ҳам билса бўлади. Ҳозир қай бир бинонинг пештоқида кўз ташламанг, “Корзинка Уз”, “PEDTAT”, “BENASENS”, “Fresko”, “Грация”, “Фламинго”, “Астория”, “Мясо.Фарш.-Кости” каби ўнлаб бошқа тилда ёзилган ва ҳатто баъзиларини ҳеч ким тушунмайдиган лавҳаларни кўрасиз! Ёки “Супер маркет”, “Мини маркет”, “Лаваш центр”, “Супер сомса”, “Супер ош”, “Хот дог”, “Шарма”, “Салон красоты”, “Шашликоч” каби бошқа тилларда ҳам кам учрайдиган ўнлаб антика ёзувларни ҳар қадамда учратасиз. “Суратхона”ни - “Сувратхона”, “Сартарошхона”и - “Сартарошлик” деб ёзилганига нима дейсиз? Нера уларнинг ўрнида “Дилкаш”, “Дилрабо”, “Зебо”, “Нозанин”, “Ширин”,

Қодир ака шифохонада ётган пайтлари уйда тўпланиб қолган газета-журналларни кўздан кечириётганда, набираси Мўмин амаки тобут ясаётганини хабар қилиб қолди. Буни ашитиб, негадир унинг эти жимирлаб кетди, вужудиغا нохушгина титроқ кирди, руҳи тушди. Сабабики, бундан бирор соат олдин Уста Мўмин кўчада унинг бўйини ўлчаб олганди-да. Мана, нима учун андоза олган экан?! “Нахотки жуда афтоҳаҳол бўлсам”, уйларди у ўзича.

Шундан кейин паришон ҳаёлларини йиғиштиришмай қолди. Ўзини овутиш учун қайси ишга уринмасин, кўз ўнгидида лоп этиб унинг қаддини ҳафса-ла билан, эринмай ўлчаб олган, айни пайтда эса берилиб тобут ясаётган устанинги қўфаси гавдаланаверди. Демак, у тузалмаган: докторлар нохуш оқибатни сезиб, унга жавоб беришган. Қўшни палатадан ҳам бир беморга жавоб беришганди, кейин...

– Нахотки насибам узилган бўлса? – гамгин шивирлади у.

Ҳамқишлоқлар таъбири билан айтганда, Қодир қаламининг (новчалиги учун шундай дейишарди) ҳам ҳаёти кўп эркакларга ўхшаш: иш, бола-чақа ташвиши, хотин билан гиди-биди, бошлиққа итоат, чойхонада улфатчилик ва ҳоказо. Орзуларининг деярли барига эришди: уй қурди, бола-чақа қўрди, уларни тўй қилди. Армияда бўлганида бир қизга ишқи тушганди, аммо олиб келишга баджаҳл отасидан чўчиди. Бу воқеага ўттиз йилдан ошди, уни эслаганда, энтикиб кетади. Хуллас, ширин хотиралар оз эмас! Аммо бу хушқаңқак дунёни ташлаб кетгиси келармики кишининг?!

Балки ўша лаънати тобутни бошқа киши учун ясаётгандир? Шундай бўлиши керак. Уйдагилар хотиржам-ку. Лекин хотинининг шаҳарга тушиб келгани-чи...

Уйда юрган хотинининг хатти-ҳаракатларига разм солди. Унда ҳеч қанақа саросималикка ўхшаш ҳол йўқ эди.

ТАЪҚИБ



– Қўшнимизникига ўтмадингми? – уста нима ясаётганини аниқроқ билиш илнжиди сўради у хотинидан.

– Устаникигами? Эрталам ўтган-дим.

– Нима ясаётганди?

– Сандиқ бўлса керак, - беихтиёр жавоб қайтарди хотини.

У дафъатан енгил тортиди. “Демак, набирам сандиқни тобут деб ўйлаган, - ҳаёлидан кечирди Қодир ака, аслида у сандиқ ясайди. Кўрсодик молияга ёзиб берганди. Зўрга қутулиб, қайта ясамасликка сўз берувди-ку. Ажабо. Нера бўлмаса унинг бўйини ўлчадийкин?!”

Бундан унинг узоқ-узоқларга кетгиси, ёлғиз санжиб юргиси келди. Лекин илоҳи йўқ эди. Шунинг учун ётиб ухламоқчи бўлди. Аммо уйқуси ҳам келмади.

Нихоят, қўшнисиникига ўтишга аҳд қилди. Уста Мўмин ҳақиқатан ҳам берилиб тобут рандаларди. Қодир қаламин тагин ўша таъкибор тўғи қолади. “Нахотки шунинг ичига қиришга тўғри келса?” Лекин сир бермасликка, ўзини тетик тутишга ҳаракат қиларди.

Уста қўшнисининг ногаҳонда ташриф буюрганидан қанчалик ажабланган бўлса, унинг оқариб кетган лаблари, қалтираётган бармоқларига қараб, шунчалик саромисаланиб қолди.

“Лазиз”, “Хушхўр” каби барчага тушунарли сўзларни ёзиш мумкин эмас?

Бундай мисоллар жуда кўп.

Топонимика комиссиясининг қайси билагон аъзосидан қадимий ва тарихий номларни ўзгартириш гоёси олға сурилиб, бундай номларни ўзгартириш “компанияси” бошланганлигига ҳайрон қоласан киши. Уларга қолса ҳафта кунларининг номларини ҳам ўзгартириш керакка ўхшайди. Масалан, Самарқанд шаҳри ва Самарқанд туманидаги кўп маҳаллаларнинг номлари асрлар оша ўзларининг тарихий номларига эга бўлиб, ерли аҳоли шу номларни авлоддан авлодга мерос қолдириб келганлар. Олайлик, Самарқанд туманидаги Чоршанбе қишлоғи анча қадимий манбалардан то хозирги даврда нашр этилган энциклопедияларгача шу ном билан тилга олинган.Ҳафтанин кунлари билан аталган Пайшанба, Жума деган жойлар ҳам анча. Тожикистон Республикасининг пойтахти Душанбе шаҳридир. Уларни ҳам ўзгартириш керакими?

Бир қатор маҳалла ва топонимик жойлар ўша жойларда кўпроқ етиштирилган мевалар номи билан ёки ўша маҳалладаги ҳунарманд ва касибларнинг касб-корлари билан боғлиқ бўлиб, баъзиларида ҳозир ҳам шу анъана давом этиб келмоқда.Шунинг учун “Себзор”, “Шалгамон”, “Сўзангарон”, “Заргарон”, “Чармгари”, “Кафтархона”, “Шарбатдор” каби маҳаллаларнинг номларини ўзгартиришга ҳожат йўқ.

Таржима масаласи ҳам ўта жиддий ва мураккаб нарсас. Бунда шунга эътибор бериш керакки ҳар бир нарса ўз номи билан яратилган ва ўша ном билан бошқа жойга боради. Худди инсон номини таржима қилиш мумкин эмаслиги каби баъзи нарсаларнинг номини ҳам зўраки таржима қилиш мақсадга мувофиқ эмас. Масалан: поезд, троллейбус, самолёт, автобус, памперс, термос, самовар, компьютер, телефон, телевизор, радио, велосипед, автомобил, патруль, пассаж, патрон, перо, пианино ва шунга ўхшаш кўп сўзлар борки улар таржиманда асл маъносини тўлиқ беролмайди. Бу ўринда 50 мингга яқин сўз ва иборалардан иборат “Ўзбекча-русча луғат”ни varaқлашининг ўзи кифоя.

Аслидиган КАМАРЗОДА, Самарқанд Давлат университети профессори, Ўзбекистон Республикасида хизмат кўрсатган маданият ходими.

– Қўшни, нималар ясааяпсиз? - ўзини бардам кўрсатишга ҳаракат қилиб сўради Қодир қалам.

– Тобут.

Гарчанд у тобутлигини билса-да, бу совуқ жавоб зарба бўлиб тушди. Лекин кўнглининг аллақериди: “Балки бу лаънати бошқа бирор кишигадир”, деган умид бор эди.

– Хайтовур, буну ўша Кўрсодикқа ясаётган бўлсангиз керак?

Уста қўшнисининг дарвешона ҳолатидан қанчалик ажабланган бўлса, фавқулодда берган саволидан ҳам шунчалик таажжубга тушди. Озгина сукутдан кейин жавоб берди:

– Кўрсодикқа дейсизми? У садкаи бунақа тобут кетсин! Яхшилигини билмади. Халқ беҳудага уни Кўрсодик демайди.

– Демак, унга эмас экан-да? - бўшашиб савол берди Қодир қалам.

– Йўқ, унга эмас!

Қодир аканинг бошига ногаҳоний оғриқ кирди. “Уйимгача етиб ололар-миканман”, деган фикрдан ўзи чўчиб тушди.

У бир амаллаб уйига етиб келдию, хотинига шивирлади.

– Болаларимни топ, васиятиям бор...

Хотини изиллаб йиғлашга киришди, ҳамма саросимасга тушди. Аёл ташқари чиқиси билан қўшнисининг боғи ҳолатидан хавотирланган уста Мўмин кириб келди.

– Қўшни, кечирасиз, тузук гаплашолмадик ҳам. Иш кўпайиб кетди. Эрталаб сандиқ ясамоқчи бўлгандим. Наймандан бир киши келиб тобут ясаб беринг, деб қолди.

– Наймандан?

– Ҳа, ҳалғи бригаданинг отаси оғир экан. Ўзи ҳам сизга ўхшаб новча одам. Шунинг учун... Тобутлари эскириб қолган экан.

Қодир қалам чуқур нафас олди. Ўғиллари доктор олиб келганда, у устага ёрдам бераётганди.

Нусрат РАҲМАТ

Шифокор огоҳлантиради

БОТУЛИЗМ ХАВФЛИ КАСАЛЛИК

Ботулизм касаллиги ўткир заҳарланиш оқибатида келиб чиқадиغان касаллик бўлиб, у асосан беморнинг марказий асаб системасига таъсир қиладиган оғир хасталик ҳисобланади. Уй шароитида тайёрланган помидор, бодринг, патисон маринадлари, бақлажон икраси ва бошқа консерва маҳсулотларини истеъмол қилиш натижасида юзага келади. Ҳолсизланиш, кўнгил айланиш, қайт қилиш, оғзининг қуриши, қуришнинг хираланиши, буюмларнинг иккита бўлиб кўрини-

ши, кўз-қовоқнинг осилиши (птоз), овознинг бўғилиши, ютишнинг қийинлашуви кўринишида намоён бўлади.

Ботулизм хасталигига чалинмаслик учун ҳар бир инсон қуйидагиларга амал қилиши зарур:

- уй шароитида помидор, бодринг, патисон маринадлари, бақлажон икраси ва бошқа консерва маҳсулотларини тайёрламаслик, кўча-қўйларда сотилаётган ҳамда сифати кафолатланмаган консерва маҳсулотларини харид қилмаслик;

-ҳар қандай консерва маҳсулотларининг сифати кафолатланган, гигиеник сертификати мавжуд бўлган ҳолларда фақат савдо дўконларидан харид қилиш.

Ушбу маҳсулотларни очишдан олдин унинг қопқоғи кўтарилмаганлигига, суяюклининг тиниқлигига ва маҳсулотнинг эзилмаганлигига эътибор бериш лозим.

Мабодо юқорида кўрсатилган касаллик белгилари кузатилса, зудлик билан шифокорга мурожаат қилинг. Беморни уй шаро-



иtida ўзи билганча даволаш оғир асоратларга, ҳаттоки ўлимга олиб келиши мумкинлигини ҳар доим эсда сақланг.

Д.НОРМУРОВОДА, туман Давлат санитария назорати бош врач

✉ Тахририятга келган бирорта хат эътибордан четда қолмайди. ✉



МУАССИСЛАР:

Халқ депутатлари Самарқанд туман Кенгаши ва туман ҳокимлиги

Муҳаррир:
Нормурод КАРИМОВ

Газета Самарқанд вилоят Матбуот ва ахборот бошқармасида 16.01.2007 йил 09-18 рақами билан рўйхатдан ўтган. Индекс 615

Эл.ночма: gulobodtong@gmail.uз

Газета тахририят компютерида терилди ва «Шердор плюс полиграф» МЧЖда офсет усулида босилди. Корхона манзили: Самарқанд шаҳри, У.Турсунов кўчаси, 82-уй

“Гулобод” АБ. МФО 00929. Х/р 20210000200439068001. ИНН: 200776484. ОКНХ: 87100.

Масъул котиб:
Саҳифаловчи:
Навбатчи:

Н. ОЛИМОВ
А. ИСЛОМИЙ
Х. НУРУЛЛАЕВ

Газета бир ойда 4 марта, ўзбек ва тожик тилларида чиқади